

غَيْرِ كُلِّ الْبَنَانِ

غير كل البنات: ديوان شعر بالعامية المصرية
الشاعرة: ريهام الزهيري
رسم: ندى شعبان غلاف: محمود طارق
رقم الإيداع: 2019 / 16560
الترقيم الدولي: 9 - 053 - 844 - 977 - 978

Facebook Page: دار الزيات للنشر والتوزيع
E- mail: bentelzayat1@gmail.com
Website: www.bentelzayat.tk

مجلس الإدارة / د. شاهنדה الزيات
المدير العام / أ. محمود محروس إبراهيم
01066736765 - 01011122429



جميع حقوق الطبع والنشر محفوظة ©
لدار الزيات المشهرة قانوناً بسجل تجاري رقم / 49351



بغير كل البنان

شعر بالعامية المصرية

الشاعرة

رُتْهَامُ الزُهَيْرِي



فوق سحاب العشق، أهديتنا تاج الحب، المرصع بالأمل.. احتضر
عذابها على باب الأولياء.. فرسمت أجمل صورة بديعية عن الجمال في
التصور الشعري.

ديوان يحمل بين طياته الحب والحرب، الأمل والألم، الفرح
والجرح..

على أعتاب أبوابه قررنا التلاقي للاعتراف، لتصير "غير كل
البنات"

مقدمة إهداء من

د. شاهندا الزيات

لديوان غير كل البنات



إهداء

إلى أبي وأمي فهما الحياة
إلى كل أفراد عائلتي، كنتم الدعم لي دومًا وما زلتهم
إلى أساتذتي وأصدقائي وجميع معارفي وكل عابري السبيل في حياتي فقد
سأهتمم فيها بشكل أو بآخر
إلى ابني وتين قلبي من أعيش له وبه أيامي المقبلة

ريهام الزهير



غبي كفاية

غبي كفاية، وقادر تقتل الحلم اللي جوايا
وعارف إن انا رافضة يكون الحب مرسايا
فبتزود عناد القلب دا وكُفّره
وراجع تحكي وتزين سواد القلب في رواية



ارجع لها

ارجع لها

تهتم بـيك

وتخاف عليك

وتحبها

قول عنها

كلام كثير

قول إنها.... وإنها

طير بيها فوق

فوق السحاب

اهديها تاج
وافتح لباب العشق
بكر قلبها



سكتت وشاعري

مات الي كان جواك زمان بيشدني
حتى الكلام معاك خلاص بيهدني
مش عارفة ليه سكتت مشاعري؟
يمكن عشان من بين إيديك ضيعتني



دعوة مستجابة

وَدَعْتُ كُلَّ الْأَوْلِيَا وَالْحَلْمُ تَابَ
وَرَحِمْتُ قَلْبِي الَّذِي احْتَضَرَ مِنْ الْعَذَابِ
وَصَحِيحَتِ مِنَ الْوَهْمِ الْغَيْبِيِّ
وَدَعَيْتُ فِي سَرِيِّ يَبْعُدُكَ رَبِّي اسْتَجَابَ



صراخ قلبي

هاقفل ببيان القلب من تاني
وهاتوضى واروح اصلي على الجاني
وهاعمل نفسي مش سامعة صراخ قلبي
وهاتحنى وهاتكفن بأحزاني



حب زاييف

مش هاجدد وعود القلب من تاني

أنا وياك

ومش هاقبل أكون ضلك

ولا هاقبل أعيش سانداك

فللم حبك الزاييف

معاك وارحل

وأنا هاقبل أكون ظالمة

وقول عني كمان هاجراك



حب مريض

وجوّ القلب 100 لعنة حب مريض ... وناقضه كيان

وأصل لغيره تجمعنا نعيش ماضي ... وذكرى زمان

وصوت الآهة جوانا بدون معنى

وفي الآخر بتتألم وتمنعنا ... نعيش في أمان



أمل مخنوق

ويا ما كتير بنوصف كذب ... مشاعرنا
وندارى في قلب عليل بأوجاعه ... بيقتلنا
بنضحك والأمل مخنوق
ولما نفوق بنتمنى في يوم فرحة ... تطمنا



روحي بتبكي

لو البُكا يشفي ... راح ابكي طول العمر
ويا ريت دموع تكفي ... هأمرها لازم أمر
تغسل هموم قلبي
تسكن أنين روحي ... وتطفي فيها الجمر



احلفي

عَدِي يَا أَيَّامَ حَزِينَةٍ... وَالْبَسِي تَوْبَ الْوَفَا
احلفي ما فـ يوم تَعُودِي... وَاَنْسِي أَوْقَاتَ الْجَفَا
ارحمني قلبي الحنين والعليل
وسيبني من عمري القليل... شوية بس للشفا



فرحة وكفن

يا فرحة القلب الحزين
بلون الكفن متزوقة
راسمة على كفوف المحال
بسمة أمل متشوقة
وبتنده الحلم الجبان
وتبص لي
ما تلملمي
كل الأمانى مفرقة



قلب جبان

القلب شاب من الفرقة وم الأحزان
ومهما دارى أوجاعه في لحظة تبان
بيخلق فرحُه من دمعه
وبيحارب يعيش جامد وهو جبان



نعيوكم نار

يا ساكنين القلوب... الحب طعمه مرار
هاصبر على المكتوب... أحسن ما اعيش مختار
كفائه إني في قربكم حسيت سنين غربة
فخلاص ما هيش فارقة... ما دام نعيمكم نار



ورقة طيارة

لما الحلم يكون بعيد
وأيدي مش طيارة
والأمانى تترسم
على ورقة طيارة
أجري وراها بالساعات
تبعد بعيد
أبص فوق
واثبت في دايرة



ليه يا قلبي؟

اخترت ليه يا قلبي... يُسكنك حبيب قاسي؟
عاجز يحضن الأحلام... لأوجاعك كمان ناسي
ولما حكم إني صحيح مشاعري جماد
صبح جلاذ... ونفذ حكمه بالإعدام... وراح ماشي



وكان يا ما كان

حكايه أصلها كلمة... تتجوزيني يا حلوة؟

والحلوة غزلت توبها من الأحلام

وتاجها كان على راسها

مزينها أميرة كما الحواديت

وشاطرها حسن

ما طلعتشي جدع من الجدعان

وكان يا ما كان



إيه يفيد؟

إيه يفيد لما تفتكرني النهاردا
وانت طول العمر ناسي؟
والمشاعر تتنفض جواك في لحظة
وانت قلبك أصله قاسي
كان أنا في كل مرة بابكي فيها
في حزن حزنه وهو ماشي



حلم عليل

بتفرح إنت باللمة وبالمواويل

وجرح يعلم مكان الجرح

ولسنا أصيل

وصبرك يا ما صبر

على عشقك حلم عليل



حلقة زار

لو ناوي ترحل
يا ريت ترحل بدون أعذار
أنا اتعودت في غيابك
أعمل زفة وحلقة زار
واغني ليك كمان موال
يكون شبهك
وانا عارفة
لا في يوم راح تسكن أحضاني
ولا هتكون عزيز الدار



مشاعر عاجزة

لما المشاعر تتنفض... من عجزها عن التعبير
والمعاني الصادقة تضيع... لما تلاقي الموت مصير
فمش غريبة تنسي وتبقى عادي
ما هي القساوة بطبعها... بتقتل الحب الكبير



الموت قُريب

أوقات بحس البُكا
ما يشفي أي جروح
والقلب من حرقته
عايش سنين مدبوح
والموت قُريب قوي
وانا في الأساس عارف
الحلم ما فيهوش رجا
والذنب مش مسموح



عرافة... وودع

شوفي الودع

يمكن تلاقي في الحجارة... دوا قلبي الي اتوجع

وَقَلْبِي فِي كَفِ إِيدِي

وارسمي في خطوط جديدة

وزفة وياها الفرخ

إخفي الدموع الي في عينيك... واكدي

وملممي كل الحقيقة في جرابها الأسود

وداريا عني قبل ما اشوفها... واتفجع



عشمني بالأفراح
طبّط عليّ وراح
لا لقيت معاه جنة
ولا قلبي عاش مرتاح



ونبض القلب مات
مابقاش نافع معاه
لا صراخ ولا سكات
يا دوب بقى ذكريات
لسنين ساكناها روح
تايهة في وسط الحاجات



نويت أرحل

نويت أرحل

واسيب ورايا

أرضك بور

حاولت ازرع

كثير فيها

لقيت الأرض مش هي

بتنكر خيرى والميه

عشان أروي

بكيه أيام

نشف جفني

وفضلت بور

نويت أرحل
واسيب ورايا
كل شيء حزنان

جدار بيتي
شقا عمري
وأي آمال
نويت أرحل
عن العين
اللي مش شايفة
عن الحزن
اللي مش عاشق

ومش محاطني

بأي أمان

نسي الحلم

اللي كان حلمه

وداسه كمان

نويت أرحل

يا دوب ألحق

أعيش لي يومين

ويمكن اموت

وانا فرحان



جنون القلب

جنون القلب ساعات يكون ... كلام فاضي
ساعات يكون حنين للأمس ... والماضي
ومريض الحب يصدق
فيحقق كثير وهمه بأنه سعيد... كذا وراضي



مغرورة

لو طلبي لاهتمامك

سميته مجرد غرور

ولو غيابي غصب عني

مش فارق زي الحضور

يبقى آسفة

يبقى آسفة عن مشاعري

ولو بكيت يوم ابقى قول

إني باكدب ... إني باكدب

والدموع ديَّ استحالة

استحالة تكون حقيقة

وأنّي مجرد موجة هادية

عدت يوم جنب الجسور



ياسمين وورد

دمع الفراق غالي
ع اللي يوم حبك بجد
والسفر لو طال ليالي
للحبايب أصله ود
والي شاري قربنا فوق جبيننا
والي باعنا هنهاديه يوم فراقه
ياسمين وورد



كبريائي

كبريائي أقوى من مليون بحبك

أقوى مـ الفرحة في عيوني

أقوى مني وأقوى منك

والندم في بعدي عنك

مش حكاية

أو رواية حب

تنتهي لو يوم عاتبتك



مش فارقة

أنا هابعد

ومش راجعة

ولو 100 قلب ندهوالي

ما نيش سامعة

خلاص مليت

ومل الصبر من صبري

فمش فارقة

أزوق صورتني في مرايتك

أكون باكذب

أكون صديقة

وأخاف من إيه؟

وأنا ضايعة



أنا هابعد

بتستهون بـ 100 دمة في عيوني

بتستهون يكون الفل مش لوني

وإن الشمس مش شمسي

ولا ضلك فضل ضلي

فبعث العمر بخسارة

قتلت الحلم في جفوني

أنا هابعد ومش راجعة

وموت حبك فدا شجوني



طولنا كان نبضه خايف

جَوَّ مني صوت بيهمس بالأمان.... وهو خايف

قلب مليون غصب عنه بالأمال.... وهو عارف

إنه هيموت في النهاية

وهو مكسور الجناح.. ونبض حلمه.. نهايته شايف



اللمة مش كاملة
القلب مش فرحان
العين يجوز فاهمة
الروح ناقصها كيان



الحب كان إجباري
والبعد كان مكتوب
يا ناس ما لكم وما لي؟
كفاياكو كسب ذنوب



أحلام تايهة

أنا اللي عشت
ومش عارف أعيش ازاي
وانا اللي كنت مش شايف
طريق الجاي
وتاهت كل أحلامي
وفي غيابك رجعت اعزف
أنين قلبي معاه بالناي



يهركن يهوت

وحاول تلمس الحزن اللي جوايا ... يمكن يموت
جايز تخلق من الظلام المعشش ... لحظة سجد
إملا ظنوني بالأمني والأمل
يمكن أعيش من تاني فرحة... ما لهاش حدود



أنا... وهي

واعترف إن الكلام اللي في عينيه

كان ليها هي

والحكاية كلها

ذكرياته معاها هي

فالتبيعي إنه ينساني ويبعد

مش راح اعند

مش هاعيش دور الضحية



كله كدبه

كان بيقول لي كلام كثير

كان بيقول لي

باحبك .. باعشقتك .. ومعاك

عايش كالأمر

والحقيقة

حبه كدبة

وعشقه كدبة

وهو كدبة

وانا اللي رضيت بالقليل



ها فيش فايدة

ما فيش فايدة

في قلب عنيد وحالف 100 يمين ما ارتاح

ساكن جوفه كثير م الهم ومتحني ألم وجراح

خلاص يا روح كفاية شجن

وعيشي الباقي من عمري

في أرض براح



ليه يا دنيا؟؟

ليه يا دنيا

قاسية عليّ؟

كل ما اقول

خلاص هارتاح

ترجعي تاني

تلعبيني

وتوريني

جراح أنواع

وتبكييني

وتضحكي ليّ

وبتطرحي

فِي الأوجاع

أضحك...

أغني...

مش هاتأثر

في قلبي

خلاص الأفراح

بقي ساكن فيه

جرح وجرح

وجناح مكسور

وباقى شرع



هاغيب

كفاية خوفها وحبها

تسأل عليك وتودها

وانا لما اغيب

أيوة هاغيب

إخلص عشاني في جرحها



حكاية موت

باحبك موت
ودي حكاية
ما فيش جواها
إلا الموت
بدايتها شوق
و100 هفة
وكلام كثير
بعلو الصوت
بيتردد
ويتمايل
ويتغنى

وفي الآخر
يضيع الحب
ويتملغن
يموت مكبوت



قولوا للصبر

لما الوعود تتكسر
والقلب بيها يموت
ودموع العين تفسر
إن الحزن موجود
قولوا للصبر.. اصبر
ساعتها بس هاعود



عادي

كل مشاعرك ملك إيديك
قلبي ما لوش الحكم عليك
تبعد عادي... ترجع عادي
مش من حقي حتى اتكلم
وانا صورتي مش ساكنة عينيك



فاضي من جوا

وطلعت ليه زيهم؟ وفاضي من جوا
العقل مش مكتمل... والروح بلا قوة
كل اللي بينا انتهى
ما فيش في قلبك رجا... مات من زمان هو



كافرة في تفكيرك

ولو قُلتِ إن انا عاشقة
هاكون كافرة في تفكيرك
أنا عارفة مكاني فين
وراضية أكون سواد ليلك
فخليني هنا جنبك
أعيش.. أحلم
ولما يحين ميعاد موتي
ياريت تسمح لي أنادي لك



باروح للبحر

وقلبي لما يوجعني
باروح للبحر يسمعني
وباحكي له أنا ما لي
وباشكي له كثير همي
فيضحك لي
ويغني
ويتمايل على شطي
أنا خايفة
وفرحانة
وزعلانة
ومتاخدة

أنا عندي كثير أحلام
لكنني دنيتي جاحدة

رد البحر

فرد البحر

آآه يا انا

أنا وجعك كمان عايشه

بلاش تتغربي تاني

وتحبي حد مش حاسه

ولوع الجرح

ما تخافي

أنا صاينه

أنا حارسه

وداري دموعك الخائفة

في قلب وحيد أنا لامسه



اتهمني بالخيانة

إرضي غرورك

إتهمني بالخيانة

وان انا بعت الحكاية

مش هتفرق

حط بإيديك النهاية



انت بعيد

مهها تقرب إنت بعيد
واشوف في عيونك الفرقة
تقول جنبك ومش موجود
وانادي عليك ولا فارقة



محبة

العتاب في حد ذاته كان محبة
بس بعد بدون كلام إزاي محبة؟
انسى كل الذكريات
واجرح الجرح اللي فات وقول... محبة



توب الوداع

وانت بتنسى ابقى افتكر

مين فينا باع

مين كان بيغزل مـ الأمل

توب الوداع

وانا هافتكر من البداية

لمحت في عينيك الخداع



اعلني موتك

وقال لي اعلني موتك
وكوني زي ما تكوني
وخليني فـ صدی صوتك
أعيشك حيرتي وسكوني
ما انا ساكن سواد عينك
برغم حزني وجنوني
ولو على العشق
أنا عاشقك
واضحني بروحي وعيوني



ارسمي الأحلام

حطمي السور اللي بين قلبك وبينني ... واحضيني
وارسمي الأحلام في عينك وجوّا منها... عيشيني
واوعي تاني في يوم تخافي
اسكني في قلب قلبي بس اوعي ... تضيعيني



هوجوع قلبي

ويكسرني أكون عاشقة ودائبة فيك
ومحرومة أكون ضلك
ويوجعني حنين قلبي وشوقه ليك
ومجبورة ابعده عنك
وباوهم نفسي بالقوة واصبرها
ولو روعي راح اخسرها
فانت الروح وانا منك



أغيب ازاي؟

أغيب ازاي وانا عاشق؟
وحيي ليك دوا لجروح
ومن غيرك ما نيش عايش
وجودي يا دوب حلاوة روح
ولو حاسس.. ولو شايف
تاخذني معاك مينين ما تروح



هو

يا روح ساكنة جوارح قلبي من جوًّا
وعين حارساني وملازماني برضايا وبالقوة
وشوق فوق شوق مجنني
مخليني أشوف الكل في ملاحك
واقول.... هو



جدار القلب

كفاية انك جدار القلب من جواً
وروح روعي ومن حبك بازيد قوة
ومش فارق معايا الدنيا لو مش ليك
أنا باناديك
وقلبي شاريك
وعايشة لك أنا وهو



غصب عنك

برغم بعدك

برغم نسيانك وهجرتك

لسَّالِيَّ مكان في قلبك

عايشة فيه

وغصب عنك

سامعة دقاته ونبضك



أنا منك

وكان نفسي الحُكا والبُوح يكون ليَّ
بس الغلط مسموح بالقصد والنية
ما انا منك... ولو مش حاسس
تهون نفسي واعيش بالحب منسية



بطل كذب

لا انا حرفك

ولا شمسك

ولا ضلك

ولا شاغلاك

فبطل كذب من فضلك

وغيب تاني

وخذ كل اللي فات وياك



معنى الحب

وعمر الحب ما كان كلمة
ولا غنوة... ولا صورتين
دا كان وعد بحاجات حلوة
جمعت في يوم ما بين قلبين
وعاش بينهم كثير أسرار
وشوق محتار
وعيون ساكناها 100 لهفة
للقا وحنين



أنا غلطان

وجعت القلب كان طائر

وكان فرحان

مليته بهم وبحيرة

وبات حزان

بيسأل نفسه إيه حكايتي؟

وانا وعيونك السمرا

وبوسة مني لجبينك

باقول غلطان



حب عمري

تعالى نعيد الزمن من تانى ... فى عيونك الحلوين
شايف جمالم ساجر... برغم مر السنين
يا حب عمري لساك ساكنة كيانى
كأنى نور الشمس... وانت زهرة الياسمين



أنا عاشقك

برغم الهم والشيبة
وضهري المحني والهيبة
أنا عاشقك ومجنونك
ومن غيرك أنا في غيبة



وردة شهيدة حب

تَاهت حُرُوف العِشْق من.... بَعْدك

ومَات اسمي فِي مَوْت.... وَعَدك

وخلَص العَمْر فِي حِكَايَة

ووردَايَة شَهيدَة حُب كَانَ.... حَقك



أنا حدودك

أنا التايه في ملكوتك

وانا العاشق

صدى صوتك

ولا هابن عليّ

أعيش بعيد عنك

ما انا منك

وانا حدودك



كان الأمان كله
صليت أنا في ضله
ودعيت وأنا ساجدة
أكون وفاخله



فاضل في القلب دقة

مانعها تميل لحد

فباقول لأه ولأه

خايفة عليها بجد



راجع لحضنك

القلب لو كان حَجْر
في غرامك انتِ يَدُوب
والحلم لو يوم عصي
على إيدك انتِ يتوب
راجع لحضنك أنا
وتوبي كله ذنوب
وهاملا نيلك بكا
واغسل عمل مكتوب
على جبين الوفا
أحلف أعيش مجذوب



زي الندى

زي الندى اسمك
ولون الشمس تكوينك
ولو ناوي على رسمك
تضيع ألواني في عبيرك
لا انا قادر على وصفك
ولا مشتاق أنادي لك
لأنك ساكنة رُوح الروح
وعايش كُلي لحنينك



أُمِّي

ولسَّا قادرة زي زمان
تكوني جدار ودفا وأمان
يا أمي يا جنة الرحمن
يا راسمة لي الزمن ألوان



أهـي

هاتكلم عن الحياة

وأصل الحياة انتِ

محفورة جوة القلب

تاج راسي وأميرتي

شايلك في نـن العين

يا حبي أنا وحيـرتي

طريقك انتِ نـجاة

مـحراي وسفـيتي

حلفت اصون الود

وتعيشي يا جميلتي



غير كل البنات

لما يزيد الوجد جواك
اجري عليها من سكات
هتحنس بيك
هتلاقي جواً في حضنها
كل الحاجات
والذكريات التايهه منك
هاطمنك
ولأنها عاشقك بجد
هتحنسها مخلوقة غير كل البنات



غيابك فارق

غيابك فارق

كأن الروح بتفارق

كأن العمر بيعدي

ومش فارق



يوم العيد

وباستنى ليوم ألقاك كأنه العيد
وباتزين كما الأطفال بلبس جديد
وباتمى يتوه الوقت ويعدي
وخلصت فرحتي بدري
يا دوب ساعة صلاة العيد



واحشاني

وجالي من غياب فترة
يقول واحشاني على فكرة
يسامحه القلب في ثواني
ألاقي الضحكة فرحانة
ومش فاكرة



سبعة

برغم الحزن المعشش في القلوب
والأمني الي حلفت يوم تتوب
غصب عني جواًمني ضحكة
اسمها إنت
عمرها سبعة يا دوب



ابني

في عز اللمة

أنا وحدي

يا ضهري

يا سندي

وملاذي

وباحتاج لك كثير

وانتَ

ساكن حتى أنفاسي

باحبك

ما انت من دمي

ومها بعدت

مش ناسي

وهاستنى سنين تكبر

تكون نظري وعكازي



الفهرس

- 6..... إهداء
- 7..... غبي كفاية
- 8..... ارجع لها
- 10 سِكِّتْ مشاعري
- 11 دعوة مستجابة
- 12 صُراخ قلبي
- 13 حُب زايف
- 14 حُب مريض
- 15 أمل مخنوق
- 16 روعي بتبكي
- 17 احلفي

- 18 فرحة وكفن
- 19 قلب جبان
- 20 نعيمكم نار
- 21 ورقة طائرة
- 22 ليه يا قلبي؟
- 23 وكان يا ما كان
- 24 إيه يفيد؟
- 25 حلم عليل
- 26 حلقة زار
- 27 مشاعر عاجزة
- 28 الموت قُرب
- 29 عرافة... وودع
- 32 نويت أرحل

- 35 جنون القلب
- 36 مغرورة
- 38 ياسمين وورد
- 39 كبريائي
- 40 مش فارقة
- 42 أنا هابعد
- 43 حللنا كان نبضه خايف
- 46 أحلام تايهة
- 47 يمكن يموت
- 48 أنا... وهي
- 49 كله كدبه
- 50 ما فيش فائدة
- 51 ليه يا دنيا؟؟

- 53 هاغيب
- 54 حكاية موت
- 56 قولوا للصبر
- 57 عادي
- 58 فاضي من جواً
- 59 كافرة في تفكيرك
- 60 باروح للبحر
- 63 اتهمني بالخيانة
- 64 انتَ بعيد
- 65 محبة
- 66 توب الوداع
- 67 اعلمي موتك
- 68 ارسمي الأحلام

- 69 موجوع قلبي
- 70 أغيب ازاي؟
- 71 هو
- 72 جدار القلب
- 73 غصب عنك
- 74 أنا منك
- 75 بطل كذب
- 76 معنى الحب
- 77 أنا غلطان
- 78 حب عمري
- 79 أنا عاشقك
- 80 وردة شهيدة حُب
- 81 أنا حدودك

- 84 راجع لِحُضْنِكَ
- 85 زِي الندى
- 86 أُمِّي
- 87 أُمِّي
- 88 غَيْرِ كُلِّ البَنَاتِ
- 89 غِيَابِكَ فَارِقِ
- 90 يَوْمِ العِيدِ
- 91 وَاحْشَانِي
- 92 سَبْعَةَ
- 93 ابْنِي

